

مجموعه سنون

۲۱

جمعیت علمیه عثمانیه

برنجی پسته

نومرو ۱۱

ذالقعده

استانبول

جمعیت علمیه عثمانیه مطبعه سنده طبع اول نمشد

۱۲۷۹

(خلاصه پوليټيقي)

انكلتره

پنجارده پارلمنتوده لهستان مسئله سي درميان اولنديغي صرمده
اعضادن بريسي كلامه اغايله لهستان روسيه نك تحت اداره سنده
قالد قجه اوراجه مطلوب اولان صلح واسايشك حصول ودوامي
مكن اوله ميوب بوكيفيت داءعا اوروياجه موجب صداغ
اوله جفتدن اسايش عمومينك بقاسي مطلقا قطعاً مذكوره نك
روسيه دن تفريقته متوقف اولنديغي بيان ايلش وخارجيه
ناظري لوردجون رسل بوكا جواباً انكلتره دولتي لهستانك
استحصال استقلال يالكز روسيه دولته طوقميوب اوستريا
وپروسيا دولترينك دخي مغايرمنفعتلري اولنديغي وبومطلبك
حصولي دول ثلثه مشاراليهم ايله محاربه يه متوقف اولوب بوكا ايسه
انكلتره نك پوليټيقي سي مساعد اولنديغي بيان ايله حرب درجه سنده
قدر كيدلن ايسده لهلولك اصلاح حاللري حقتده هر درلو معاونتك
دريغ اولميه جغني ايراد ايلشدر .

انكلتره سواحلندن امريكا جمهورجنو بيسنه اسلمه ومهمات
حريه كمتسندن و بونك اوزرينه جمهور شمالي طرفندن انكلتره
سفائتي حقتده يوقلمه اصولي اجراسي وسيله سيله بعض معاملات
شديده وقوعولسندن طولايي طرفين بيننده تكون ايدن منازعه
حربي انتاج ايده جكندن خوف اولنوركن بونك صورت مصلحانه
فصل ودفعي ضمنتده بودفعه جمهور شمالي طرفندن اوندره يه
برآمور مخصوص كوندلش ومومي اليهك قواعد حقوق ملله
زياده معلوماتي اولديغندن اوندره ده مقيم امر يقاسفيريله بالاتفاق
مسئله مذكوره نك حلنه مأمور بولميشدر .

انکلترة دولتی دخی جمهور شمالیك اتحاد ایتدیكى اسبوتدیبدن
اظهار کمال ممنونیت ایدوب بوو جمهاله طرفین بینده محاربه وقوعی
احتمالی شمديك برطرف اولمشدر .

روسیه

لهستان مسئله سی حقنده اوو و پادولنارینک روسیه ده وقوعبولان
تبلیغاتی صورت دوستانه و نازکانه ده اولوب دول مشار الیه مک
هیچ بریسی بوماده دن طولانی روسیه ده اعلان حرب درجه سنه
قدر کتیه چکی روش حالدن اکلاشیلور ائسده روسیه دولتی
شو حالک نتایج وخیمه سندن امین اوله مدیغندن برازوقندنبروتدارکات
کلیه حریبه ده تسبب ایدرک مبالغه جسیه صرفیه قرون شتاد لیماتی
برقائدها تحکیم و بحر بالطقده کشت و کذار ایتک اوزره بر مکمل
دونغا تبهمیر ایتک اوزره بولمشدر . دولت مشار الیه اتک تدارکاتی
امور بحر یه ده منحصر اولوب عساکر بریه فرقده لری دخی ترتیب
و تنظیم ایتکده در .

لهستان

لهستان اختلالنک صورت مصلمانه ده دفعی اسبابنک
استحصالی خصوصنه دأر انکلترة و فرانسه و اوستریا دولتری
طرفدن روسیه ده اجرا اولنان تبلیغات دوستانه ده دولت
مشار الیه ا جانبدن و یریلان جوابلرده دول مشار الیه مک

مطلوبی کند و سنک دخی اخص امالی اولوب فقط شوامرك
برآن اول حسن حصولی حقیقه ارز وایدنارکروه عصاته موجب
غیرت و جسارت اوله جق نمی یكات اجنبیه نك منعی و سائلنك
استحصانه همت ایلاری لابد اولدیغنی بیان ایلشد.

روسیه دولتنك اشبوجوابی دول الیهمك دلتواهند موافق
اولدیغندن اورو پاچه زیاده سوء تأثیری اولمش و فقط بونك اوزرینه
نه مقوله تدابیره تشبث اولندجنی هنوز مجهول بولنمشدر.

لهستان اختلالی کونگون توسع ایدوب حتی شمعی به قدر
حال اطاعتده و بولنان تجار و اهل قراعتصانك مظفریتنه اغتراراً
انلره ملحق اولمقده و روسیه عسکری دخی کماکان لهاولر حقتده
انواع مظالم و تعدیات اجرا ایتکده درلر . ازجمله پیازف شهری
اهالیسنك عصاته بعض معاونت معنویه ده بولنمش اولماری
بهانه سیله روسیه عساکری بولردن اله کچنلری قتل عام و شهری
کاملاً تخریب و احراق ایلشد.

و ارشاده بعض اهالی ایلرهبان طاقی محاربات حاضرده
وفات ایدن همشهر یارینك روحی ایچون کلیساده دعا ایتمش
اولماریله برچوق رهبان روسیه لوطرفدن اخذ و گرفت اولندرق
قلعه بندایدلش ایسده پترسبورغدن ورودایدن امر اوزرینه
چوق کچمکسزین سبیللری تخلیه قلمشدر.

اسویچره جمهوریه ممالک متحده الاماینانك بعض کوچك
حکومتلرندن ماعدا عموماً اوروپا دولتلری دول ثلثه اثرینه
اتباع ایلر لهستان مسئله سنده دائر روسیه دولتنه تبلیغات
اجرا ایلشدر.

یونانستان

یونان قراللغنه انتخاب اولسان دانمارقه پرنسی کلیوم یورکی
شومسندک قبولی بعض شرائطه تعلیق ایتش و بونک مذاکره
وتسویه سی ضمنده دول حامیه مرخصلرندن مرکب لوندرده
برقونفرانس تکشیل اولمش ایدی . مؤخرأً آنان تلغراف حوادثه
نظراً مرخصلریننده اتفاق حاصل اوله میدرق طاعلمشلردر .
بناء علیه یونان قرالی انتخابی مسئله سی یکیدن مشکلاته دوچار
اولمشدر .

مسئله مذکورته بوضورتله اوزامسندن ناشی الیوم
یونانستانک اکثر محلی بر حال فترده بولندرق هر طرفه محل امن
واسایش حالات وقوعبولقده و حتی آئنده پک چوق فناقلرتحدت
ایتمکده اولوب ازجمله فرانسه تبعه سندن چند نفر اشخاص حقده
سوء قصد وقوعیله جرح اولمش و در سعادتده دخی اوینامش
اولان جانباز سولیدنک او یونشیلرندن براوسه تریالو قزی اوتوز قدر
روم جبرأً اخذایله هتک ناموسنه اجنسالریشلردر . حکومت موقتته
کمال ضعفندن ناشی بومقوله اصحاب جنایات مجازاتسز قالدیغندن
آئنده مقیم انکلترة و فرانسه سفیرلری طرفندن حکومت مذکوریه
معرض تهدیده مذکرله اعطا اولمشدر . حکومت موقتده
اعضای اولوجهله جریان ایدن اریغونسزلقارک دفعندن مجرلری
حس ایدرک وقوعبولان استغفارینه مبنی جمعیت ملیه معرفتیله
یرلرینه بشقه لری انتخاب اولمشدر .

فرانسه

بودفعه فرانسه قوانین مجلسی وقت معینه سنک حلولله قیامش
 و ملت مجلسی اعضا سنک انتخابات عمومیه سی اشبو شهر مایسک
 اوتوز برنجی کونی اجرا اولنه جغندن طرف حکومتدن رخصت
 مخصوصه تحصیل اولند قجه اهالیدن یکر میدن زیاده اشخاصک
 بریره تجمع ایده مامسی حقنده موضوع اولان قانون بوکره فرانسه
 رسمی غزته سیله عامه یه اخطار اولمشدر . فرانسه دولتک
 مکسیقاده بولنان عساکری پوابله شهری اوزرینه بالهجوم
 ضبط ایشلردر .